

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 422417 22 St
Tuzla, 19.04.2023.godine

Općinski sud u Tuzli, stečajni sudija Antonela Đaković, u stečajnom postupku nad stečajnim dužnikom "OAO BH" d.o.o za proizvodnju, promet i usluge u stečaju, Gračanica, ul. Zlatnih ljiljana br.24, nakon provedenog stečajnog postupka donio je slijedeće:

RJEŠENJE

ZAKLJUČUJE SE stečajni postupak nad imovinom dužnika "OAO BH" d.o.o za proizvodnju, promet i usluge u stečaju, Gračanica, ul. Zlatnih ljiljana br.24, MBS: 32-01-000-07 JIB: 4209859090002, broj glavnog računa: 1321802003042402 otvoren kod NLB Banke d.d. Sarajevo, zbog nedostatka stečajne mase za pokriće troškova stečajnog postupka.

Rješenje o zaključenju stečajnog postupka bit će objavljeno u Službenim novinama Federacije BiH, Oglasnoj ploči suda, web stranici suda-elektronskoj tabli suda te dostavljeno FIA-i.

Obavještavaju se stečajni dužnik, stečajni upravnik i povjerioci da će rješenje o zaključenju početi proizvoditi pravne posljedice protekom roka od 8 dana od dana objavljivanja u Službenim novinama F BiH.

Po pravosnažnosti ovog rješenja isto će se dostaviti Općinskom sudu u Tuzli, Odjeljenju registra, radi brisanja stečajnog dužnika iz sudskog registra.

O b r a z l o ž e n j e

Dana 06.04.2022.godine, predlagač "OAO BH" d.o.o, Gračanica je podnio prijedlog za otvaranje stečajnog postupka nad privrednim društvom iz razloga platežne nesposobnosti, jer je za navedeni pravni subjekt utvrđen prestanak obavljanja djelatnosti Rješenjem Općinskog suda u Tuzli broj: 032-0-Reg-14-001799 od 18.12.2014.godine. Rješenjem suda od 10.10.2022. godine otvoren je stečajni postupak nad imovinom dužnika, a za stečajnog upravnika imenovan je Nedret Kikanović iz Tuzle.

Tokom postupka stečajni upravnik je utvrdio da ukupne obaveze stečajnog dužnika iznose 1.652.254,67 KM po prijavljenim potraživanjima povjerilaca, a iste odnose se na obaveza prema UIO BH RC Tuzla, iz čega proizilazi da je stečajni dužnik prezadužen te da nema imovine i ne može izmiriti utvrđene obaveze prema povjriteljima. U postupku ispitivanja prijava potraživanja ukupno je priznato 1.652.254,67 KM, koji iznos potraživanja se odnosi na opći isplatni red. Također je utvrđeno da nije bilo sredstava ni za djelimično namirenje povjerilaca općeg isplatnog reda.

Na izvještajnom ročištu (Skupštini povjerilaca) održanom dana 12.12.2022.godine stečajni upravnik je podnio izvještaj o ekonomskom stanju stečajnog dužnika, te je utvrđeno da stečajni dužnik nema imovine iz kojeg bi se mogla namiriti potraživanja povjerilaca. Stečajni upravnik je predložio da se postupi u skladu sa odredbama 196. Zakona o stečaju i postupak zaključi zbog nedostatka stečajne mase, obzirom da društvo nema imovine koja bi služila za namirenje povjerilaca i troškova postupka, a postojeća stečajna masa nije dovoljna ni za pokriće troškova stečajnog postupka.

Skupština je usvojila prijedlog stečajnog upravnika za zaključenje stečajnog postupka zbog nedostatka stečajne mase.

Provodeći aktivnosti a u svrhu zaključenja stečajnog postupka sud je temeljem odredbe čl. 102. točka 7. u vezi sa članom 196. Zakona o stečaju dana 13.12.2022.godine donio rješenje kojim se pozivaju stečajni dužnik, povjerioci i sva zainteresovana lica da u roku od 30 dana od dana objave rješenja u Sl. novinama F BiH uplati predujam u iznosu od 5.000,00 KM za nastavak provođenja stečajnog postupka ukoliko za isto imaju interes.

Rješenje je objavljeno u Službenim novinama F BiH broj: 101/22 dana 21.12.2022. godine, a na oglasnoj ploči dana 13.12.2022. godine.

Kako ni jedan od povjeritelja nije obavijestio sud da je izvršio uplatu traženog iznosa, za dalje vođenje postupka, to sud u skladu sa članom 196. stav 1. Zakona o stečaju, zaključuje postupak jer stečajna masa nije dovoljna za pokriće troškova stečajnog postupka.

Imajući u vidu sve gore navedeno ovaj sud smatra da su ispunjeni uslovi za zaključenje stečajnog postupka zbog nedostatka stečajne mase u skladu sa članom 196. Zakona o stečaju.

Stečajni povjerioci mogu nakon zaključenja stečajnog postupka ostvarivati svoja potraživanja prema dužniku pojedincu u skladu sa propisima građanskog prava, a kako je to propisano odredbom člana 191. Zakona o stečaju.

Temeljem odredbe člana 191. stav 10. i član 204. stav 1. i 3. Zakona o stečajnom postupku rješenje o zaključenju stečajnog postupka objavljuje se u „Službenim novinama F BiH“, Oglasnoj ploči suda, web stranici suda-elektronskoj tabli suda te dostavlja FIA-i.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Temeljem odredbe člana 196. Zakona o stečajnom postupku sud je odlučio kao u izreci rješenja.

SUDIJA
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci istečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objave rješenja u „Službenim novinama F BiH“.